

樂亭縣志卷三

地理志下

記事

記事

志者史之一體也史以志爲緯而志復以史爲經舊志世紀一篇援引極博而未免泛而無當茲謹擇志載之無悖於史及史事之切於斯地者循世編次而卽以今昔災祥之事間敘於其間亦史家編年紀月大事必書之義也

商湯十有八祀三月王至東郊論諸侯功罪立禹後與古

聖賢有功者之後封孤竹等國各有差

綱鑑

伯夷避紂居北海之濱

孟子

齊桓公北伐山戎刺令支斬孤竹而南歸

國諸

漢高帝七年三月庚子封搖母餘爲海陽齊信侯

漢書功臣表

後漢光武帝建武二十五年遼西烏桓大人郝旦等九百

二十二人率衆向化封其渠帥爲侯王君長者八十一

人皆居塞內布於緣邊諸郡

後漢書烏桓傳

靈帝中平四年漁陽人張純與同郡張舉舉兵叛寇幽冀

二州衆至十餘萬屯肥如

靈帝紀參劉虞傳按虞傳註云肥如縣屬遼西郡故城在

今平

州

獻帝建安十二年夏曹操擊烏桓秋八月破之斬蹋頓

通鑑

按魏志武帝紀云征烏桓至無終秋八月大水傍海道不通田疇請爲鄉導又田疇傳云時方夏雨水而海濱滂下濱泥不通虜亦遮守蹊要軍不得進太祖患之以問疇疇曰此道夏秋有水淺不通車馬深不載舟船爲難久矣舊北平郡治在平岡道出盧龍達於柳城自建武以來陷壞斷絕垂二百載而尙有微徑可從若回軍從盧龍口越白檀之險出空虛之地掩其不備蹋頓可不戰而擒也據此則曹瞞征烏桓時此爲路所必經所指海濱卽此無疑

晉武帝太康五年慕容廆入寇遼西殺掠甚衆帝遣幽州諸軍討之戰於肥如廆衆大敗十六國春秋前燕錄

東晉成帝咸康四年後趙建武四年石虎謀伐昌黎遣渡遼將軍

曹伏將青州之衆渡海戍蹋頓城無水而還因屯於海島運穀三百萬斛以給之又以船三百艘運穀三十萬

斛詣高句麗使典農中郎將王典率眾萬餘屯田海濱

後趙錄

咸康六年後趙建武六年虎將討慕容皝具船萬艘自河通海運

穀豆千一百萬斛於樂安城以供軍征之用後趙錄樂安城卽

今縣治十六國春秋有云邵續之弟洎爲樂安內史乃欲執臺使王英送於石虎者尙卽樂安城之內史歟

穆帝永和元年後趙建武十一年虎使征東將軍鄧恆將兵數萬

屯樂安治攻具爲取燕之計後趙錄

永和六年前燕二年慕容儁使慕容霸將兵二萬自東道出徒

河慕輿干自西道出蠕蠕塞儁自中道出盧龍塞三道

並進以伐趙霸軍至三陘鄧恆焚倉庫棄樂安遁去南

部都尉孫泳急入樂安撲滅餘火籍其穀帛霸收樂安

北平兵糧與儁會於臨渠

前燕錄
舊按魏書海陽縣有橫山蓋卽三陁之地鄧恆旣

遁遼西諸地
悉入於燕矣

安帝義熙二年

後燕光
始六年

慕容熙大城肥如以尙書劉木爲

鎮南大將軍冀州刺史鎮肥如

晉書
載記

義熙十二年

北燕太
平八年

初跋別將庫儁官斌降魏旣而復叛

來歸太宗遣驍騎將軍延普渡濡水擊斌斬之

十六國
春秋北

燕
錄

北魏太武帝延和元年

北燕太
興二年

夏六月魏世祖來伐秋七

月己未至濡水庚申至遼西己巳至和龍石城太守李

崇等率眾迎降十二月拜崇幽平二州牧封遼西王

燕北

錄舊按是時燕雖未滅然所保者和龍一隅耳遼西肥如令支等郡縣皆入於魏矣通鑑註燕國自慕容以來分置郡縣於遼西其間或省或併爲郡爲縣皆不可攷

隋高祖開皇六年省肥如人新昌十八年新昌改名盧龍

隋書地理志

唐元宗開元二十八年置馬城縣以通水運

唐書地理志

遼太祖天贊二年春正月大元帥耀庫濟克平州獲刺史

趙思溫裨將張崇二月如平州以平州爲盧龍軍置節

度使

遼史太祖紀舊按自此以後境內地悉入契丹終遼之世張穀南歸始通中國然未半載復沒於金

聖宗統和四年詔林牙勤德以兵守平州之海岸以備宋

聖宗紀

統和十五年春三月募民耕灤州荒地免其租賦十年

紀

道宗清甯五年建灤州學

畿輔志

太康元年閏四月丙午振平灤二州饑

道宗紀

金太宗天會元年太祖定燕京時立愛以平州降當時宋

人以海上之盟求燕京及西京地太祖以燕京涿易檀

順景薊與之平州自入契丹別爲一軍故弗與而以平

州爲南京張穀爲留後

穀史作覺

是年三月宋遣使入金議

復平灤夏六月張穀以平州歸宋冬十月宋建平州爲
泰甯軍以張穀爲節度使十一月金人襲平州張穀奔
燕山平州人推張敦固爲都統以拒守保大四年六月
金人克平州執敦固殺之

金史張覺傳參
宋史紀事本末

天會三年秋九月宋兵自海道破金九寨殺馬城縣戍將

節度使盧幹

金史

熙宗皇統四年冬十一月己酉上獵於海島

金史熙
宗紀

世宗大定三年二月庚午上謂宰相曰灤州饑民流散逐
食甚可矜恤移於山西富民贍濟仍於道路計口給食

世宗

大定十三年二月罷平灤鹽錢

食貨志按金史食貨志云平州副使於馬城縣置局

貲錢解鹽行河東南北路陝西東及南京河南府陝鄭唐鄧嵩汝諸州

大定二十一年三月上初聞薊平灤等州民乏食命有司

散粟糴之貧不能糴者貸之有司以貸貧民恐不能償

止貸有戶籍者上至長春宮聞之更遣人閱實振貸前

所遣官皆論罪

世宗紀

十二月罷平州椿配鹽課

食貨志按金史

地理志石城有長春行宮長春淀舊名大定淀大定二十年更在今玉田地元立大定府在今盛京地邑中

義塾舊額曰大定書院殊屬沿譌

衛紹王至甯元年蒙古兵三道南侵以合撒兒等爲左軍

循海而東掠平灤諸郡

金史

宣宗貞祐二年夏四月僑置臨潢府於平州六月蒙古兵南下追金將招燈必舍及於平灤降之秋八月蒙古兵攻平州完顏合達以城降權領永安軍事鮮卑仲吉以灤州降蒙古改興平郡爲府金史國明志貞祐甲戌蒙古左軍哈散兒入境焚掠甚

元憲宗七年蠲平灤路銀鹽酒等稅課八之一元史食貨志

世祖中統元年陞興平府爲平灤路置總管府設錄事司

元史地理志**按**府志云時西域人塔本世襲行省總管於平州

中統二年命平章政事趙璧左三部尙書怯烈門率蒙古

漢軍駐燕山近郊東至平灤西控關陝修立堡塞守城

世祖紀

中統三年春二月己丑李璫反以漣海三城獻於宋盡殺

蒙古戍軍辛亥勅元帥阿哈分兵戍平灤海口癸丑詔

平灤諸路皆籍兵守城冬十月戊寅命不里剌所統固

安平灤質子軍自益都徙還故地

世祖紀

至元二年五月禁平灤等處捕獵

世祖紀

至元三年夏四月蠲平灤質子戶賦稅之半

世祖紀

至元四年秋八月申嚴平灤路私鹽酒醋之禁

世祖紀

至元六年秋九月大雨灤河溢

舊志

至元八年春二月發中都真定順天河間平灤民二萬八

十餘人築宮城

世祖紀

至元十三年平灤以水旱缺食振軍民站戶米

世祖紀

至元十九年五月庚辰議於平灤州造船發軍民合九千

人

世祖紀

至元二十年五月縱平灤造船軍歸耕撥大都見管軍代

役六月免大都及平灤路今歲絲料秋七月免大都平

灤兩路今歲俸鈔

世祖紀

至元二十三年平灤水旱爲災免民租

世祖紀

至元二十四年夏四月諸王納延反五月詔范文虎將衛

軍五百鎮平灤六月括平灤路馬秋八月立昌國屯田

署九月以西京平灤路饑禁酒

世祖紀

灤州四處鹽課舊

納羊一千者亦令如例輸鈔

食貨志

至元二十六年秋七月丁亥發至元鈔市馬於平灤八月

丙申平灤昌國等屯田霖雨害稼九月以平灤等路饑

弛河泊之禁十一月平灤昌國屯戶饑振米千六百五

十六石十二月戊寅罷平州望都榛子二驛放其戶爲

民

世祖紀

至元二十七年夏四月甲申以薦饑免平灤今歲銀俸鈔

五月平灤民萬五千四百六十五戶饑振粟五千石八

月免平灤路流民租賦及酒醋課

世祖紀

至元二十八年八月省臣奏姚演言奉勅疏濬灤河漕運
上都乞應付沿河蓋露困工匠什物仍預備來歲所用
漕船五百艘水手一萬牽船夫二萬四千臣等集議近
歲東南荒歉民力凋敝造船調夫其事非輕一時並行
必致重困請先造舟十艘量撥水手試行之如果便續
增益制可其奏先以五十艘行之仍選能人同事

河渠志

九月乙卯以歲荒免平灤屯田二十七年田租三萬六
千石有奇十二月平灤路及豐贍濟民二署饑出米萬

五千石振之

世祖紀

至元二十九年三月免平灤路今歲公賦八月弛平灤州

酒禁九月以平灤路大水且霜免田租二萬四千四十

一石世祖紀

至元三十年置平灤路軍器人匠局大使副使各一員百官

志冬十月平灤水免田租萬一千九百七十七石世祖紀

成宗大德四年以水患改平灤路爲永平路地理志

大德五年秋八月平灤路霖雨灤河溢免其田租仍振粟

成宗紀

大德六年春正月以平灤等路去年被水其軍應赴上都

駐夏者免其調遣一年三月丁酉以旱溢爲災詔赦天

下大都平灤被災尤甚免其差稅三年成宗紀

大德十一年

時武宗即位

秋七月以永平路爲皇妹魯國長公

主分地租賦及土產悉賜之

成宗紀

武宗至大三年春三月辛卯發喀喇軍屯田永平官給之

牛

武宗紀

至大四年

時仁宗即位

秋九月丁巳以永平路歲入除經費外

悉賜魯國大長公主

武宗紀

英宗至治二年夏五月置營於永平收養蒙古子女遣使

諭四方匿者罪之

英宗紀

泰定帝泰定二年三月十三日永平路屯田總管府言國

家經費咸出於民民之所生無過農作本屯闢田收糧